

## 開放文學－科幻寓言－蝸觸蠻三國爭地記 第十六回 徵二國奉藩返侵地 朝四夷垂拱頌光天

蝸牛王遂召見朱知，詢以所發明之電學。乃以磁鐵螺絲圈，制天網，張之空中，凡數百里以內之飛彈，皆能吸收入網，亦以己名其網，曰朱知網。自此學發明，凡空中電雷、空中飛彈、空中飛艇，皆無所施其技。蝸牛王聞之，大喜。居頃之，二國合兵交侵蝸牛國邊境。蝸牛王乃命百蟲將軍帥水陸之師，日夜進攻。左將軍蟲達【《漢書·功臣表》：曲成侯蟲達。從入漢，定三秦，以都尉破項王】副之，海軍大將軍海蠅、陸軍大將軍鐵甲將軍屬焉。命游蜂為偵探隊屬藩。槐安國王馬義【《樂善錄》：淳於棼夢二紫衣吏引，自宅南古槐下入，俄至一城，榜曰大槐安國王，以公主妻之。命典南柯郡。無何，公主死。方追悼間，忽然驚覺。命發槐下，果有一穴，中有二大蟻。又窮其穴，直上南枝，即南柯郡也】聞之，起義兵為後援。軍中張朱知網，二國新發命之電術軍器，皆一網打盡【《宋史》：韓侂胄欲逐趙汝愚，而難其名，謀於京鏗。鏗曰：「彼宗姓也，誣以謀危社稷，則一網打盡矣。」】。而觸國陸軍殷字營，又以爭攻交相讒拘【《詩·小序》：青蠅，刺讒也。二國之兵不合，百蟲將軍鳴蛙骨而進之，二國之師敗績，伏師數萬。遂北旬有五日，乃始遣使乞和【《莊子》：有國於蝸之左角者曰觸氏，國於右角者曰蠻氏，相與爭地而戰，伏師數萬，逐北旬有五日而後返】】。

蝸牛王覆命蓑衣丈人【俗名蓑衣蟲，一名蓑衣丈人。能飛絲懸於空際，故以輕乘氣球為比，屯田邊境】，以為持久之計。丈人能乘輕氣球，遊行空際，以見敵軍虛實。虜中畏憚之，稱為飛將軍【漢李廣為北平太守，匈奴號曰飛將軍，避之數歲，不敢入邊界】。自是，不敢犯邊。

觸王既敗，大懼，盡返所遂之地。自蜈蚣嶺以東，蠓螭塞以西，壤地數千里。蠻王不得已，遁入牛角尖島。

由是，自波蠡地海至海馬島之海權，悉歸蝸牛島勢力範圍之內。故蝸牛王一怒，而二國之王稱臣奉藩，厥角稽首。國日以富，兵日以強。於是制禮作樂，范冠蟬蕤，制隆周冕，蟬琴蚓笛，樂奏虞韶。海宇蒼生，下至蝸飛蠕動之屬，莫不沐浴聖化，熙熙然如登春台。猗歟盛哉。正是：

東鷓西鰈共球集，端拱垂商慶太平。

後人有詩，記其事曰：

國中有鳥止王庭，

酣睡爭嗤獅未醒。

一旦飛鳴眾俱駭，